



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. II. Quid de Divo Thoma?

[urn:nbn:de:hbz:466:1-77146](#)

gustino, libro 4. contra Julian. cap. 8. & libro 5. cap. 4. & libro 6. cap. 10. est judicium Dei, & actus justitiae vindicativa: Sed in instanti quo fit reprobatio, Deus nihil potest judicare & vindicare, nisi solum peccatum originale; fit enim reprobatio eodem modo, & in eodem instanti pro omnibus: in nullo autem convenienter omnes, nisi in solo originali peccato: Ergo reprobatio hominum, secundum Augustinum, fit ratione culpa originalis.

79 Denique, Secundum etiudum Augustinum libro 4. contra Julian. cap. 8. libro 2. ad Bonifacium cap. 6. & libro de dono perseverantiae, cap. 9. 11. & 12. eodem modo fit reprobatio adulorum, ac parvolorum: Sed reprobatio parvorum fit propter solum originale peccatum, ut constat: Ergo & adulorum, loquendo saltem de reprobatione, prout dicit voluntatem efficacem excludendi a gloria.

S. II.

Quid de Diyo Thoma?

Dico secundò, etiam D. Thomam apertissimè favere huic sententia.

80 Probatur multipliciter. In primis enim est expressa auctoritas D. Thomæ quæst. 6. de verit. art. 2. ad 9. ubi ait: *Electione Dei quā unum elegit, & alium reprobavit, rationalis est; nec tamen aportet quod ratio electionis sit meritum, sed in ipsa electione ratio est divina bonitas, ratio autem reprobationis est in hominibus PECCATUM ORIGINALE*, ut Augustinus dicit. Quo nihil clarius & expressius dicuntur potest.

81 Secundò, Idem S. Doctor illud clarissimè docet in cap. 9. ad Rom. tota lect. 3. *Cum omnes homines (inquit) propter peccatum primi parentis damnationi nascantur obnoxii*, quos Deus per suam gratiam liberat, solum misericordia liberat, & sic quibusdam est misericors quos liberat, quibusdam autem iustus quos non liberat, neutrī autem iniqui. Loquitur autem ibi de liberatione à miseria aeterna, seu de praedestinatione ad vitam aeternam, ut patet ex verbis antecedentibus: *Sic igitur (inquit) non potest esse quod merita consequentia gratiam sit ratio miseriendī aut praedestinandi*; sed sola Dei voluntas secundum quam misericorditer aliquos liberat. Ergo juxta S. Thomam causa reprobationis, seu non liberationis à miseria aeterna, in iis qui non sunt praedestinati, inter quos sunt aliqui per Baptismum regenerati, alia non est quam peccatum originale, propter quod omnes homines damnationi nascuntur obnoxii.

82 Terriò, Idem Sanctus ibidem lect. 4. exponens cur homo luto comparetur, ait: *Humana natura vilitatem habet ex sua materia, quia, ut dicitur Genes. 2. fecit Deus hominem de luto: sed majorem vilitatem habet ex corruptione peccati*, que per unum hominem in hunc mundum intravit, & ideo homo luto merito comparatur.... Similiter & Deus liberans habet potest, item ex eadem corrupta massa generis humani, sicut ex quodam luto, nulli faciendo injuriam, quosdam homines facere preparatos in gloriam, quosdam autem in miseria (peccati scilicet originalis) derelictos: Ergo ex D. Thoma, prima causa ob quam Deus quosdam in miseria derelinquit, seu reprobavit, & ad gloriam aeternam non preparavit, est peccatum originale.

83 Denique, Ne quis dicat D. Thomam hanc mutasse sententiam, & oppositum docuisse in summa Theologica, que est veluti ultimum eius testamentum, ex illa etiam in confirmationem ejusdem sententiae, tria testimonia de promam.

A Primum sumitur ex hac quæst. art. 1. ad 3. ubi docet quod prædestinationem hominum in vitam aeternam, est a statu miseria, non vero Angelorum. Hinc enim evidenter sequitur, reprobationem hominum esse eorum relitionem in miseria, in quam per peccatum originale inciderunt, proindeque causam reprobationis hominum esse peccatum originale.

Secundum habetur in eadem quæst. art. 5. his verbis: *Voluit igitur Deus hominibus quantum ad alios quos prædestinat, representare suam bonitatem, per modum misericordie, parcendo, & quantum ad alios quos reprobavit, per modum justitie, puniendo*. *Et hoc est ratio quare Deus quosdam elegit, & quosdam reprobavit*. Et hanc causam assignat Apostolus ad Romanos 9. dicens, *Volens Deus ostendere iram, id est vindictam justitie, & notam facere potentiam suam*. finit, *id est permisit, in multa patientia rasam aptam in interitum &c.* Ex qua S. Thomas doct. Apostoli auctoritate confirmata, evidenter patet, quod Deus homines non reprobavit, nisi ex justitia, iramque seu vindictam justitie ostendere volens, ac proinde supponendo aliquam culpam ex parte hominius: Sed non culpam actualē, ut ex eodem S. Doctore articulo præcedenti ostendimus: Ergo saltem culpam originalem Confirmatur: D. Thomas ibidem ait, *Quod Deus voluit quantum ad aliquos quos prædestinat, suam representare bonitatem, per modum misericordie, parcendo*. Parcere autem significat aliquis debiti condonationem: ex quo sequitur quod aliquos reprobavit, non parcendo, hoc est eis aliiquid debitum per peccatum originale contum non condonando.

Dices fortè, D. Thomam nomine reprobatis intelligere non voluntatem intentivam exclusionis a gloria, sed executivam, quæ ad illam terminatur ut penam, & ex motivo puniendi.

Sed contra: In eodem sensu loquitur ibi de reprobatione, ac de prædestinatione: Sed loquitur ibi de prædestinatione, ut est in ordine intentionis: nam illo testimonio utuntur Thomæ ad probandum voluntatem gloria intentionem, esse purę gratiarum, & à meritorum præstatione independentem: Ergo etiam ibidem loquitur de reprobatione, ut est in ordine intentionis, seu de voluntate efficaci excludendi reprobos à gloria.

Tertium testimonium sumitur ex 2. 2. quæst. 2. art. 5. ad 1. ubi S. Thomas docet, auxilium gratiae ad diligendum Deum & proximum, & ad credendum articulos fidei, quibusdam dengari in penam peccati originis. *Hoc (inquit) auxilium quibuscumque divinitus datur, misericorditer datur: quibus autem non datur, ex iniustitia non datur, in penam præcedenti peccati, & saltem ORIGINALIS PECCATI*, ut Augustinus dicit in libro de corrept. & gratia. Ex quo loco hoc potest argumentum defuniri. Illud est causa reprobationis, quod est causa primi effectus illius; prædestination enim & reprobatio, ex parte actuū divini intellectus & voluntatis, nullam posse habere causam, sed solum ex parte effectus qui ad illos consequuntur. Unde S. Thomas hic art. 5. in corp. ait: *Nullus fuit ita insanementis quod diceret merita esse causam divine prædestinationis ex parte actuū prædestinantis*. Sed peccatum originale, juxta S. Thomam, est causa primi effectus reprobationis, scilicet denegationis primæ gratiae, ad credendum & diligendum Deum: Ergo ex S. Thoma, peccatum originale est prima causa reprobationis.